

乾隆元和縣志

元和縣志序

周禮地官土訓掌道地圖
以詔地事王巡守則夾王
車誦訓掌道方志以詔觀
事王巡守則夾王車邑志
者昉於周禮所以備顧問
廣獻納也

皇上

法古時巡

鑾輿所至詢風俗於典章討沿革於載籍則邑志尚矣但田賦時有損益戶口歲漸蕃滋溝洫之隄防屢易學士之撰著日多執舊志以上陳

黼座恐典章失實載籍非真志為文具何以資政治哉治

承乏元和政訟紛繁簿書填委早夜孜孜惟撫字催科是務賴人情協和得免隕越聽斷之暇取邑志反復披覽因知修輯之不可緩也志創於雍正四年分縣以後刻於乾隆五年迄今又二十餘年土田則有

銷陞賦稅則有蠲復倉庾
改而形勢殊人材聚而科
目盛

上諭列於藝文則褻
王言獨行入於人物則垂史例
皇上聰明天縱學貫百川古蹟

名區並留題詠山川生色
泉石增輝扈蹕羣公咸為

屬和是宜特列一門使人

知

天章睿藻具有化工卷阿矢音

復見今日爰請同年大宗
伯歸愚沈公為總裁而秉
筆則任之上舍顧君祿百
十閱月告成刪其濫冗補
其闕畧叙賦役之由重而

聖聖相承

輕述生齒之由寡而衆力
勤而孳息愈饒制備而疏
蓄並利鄉有淳風爭鬪不
作里鄰莠民肱篋漸息皆
因
年之久是以臻此熙皞也
至人物之進退一本至公

不隨不刻節孝之聞揚悉
原實據無僭無遺豈非一
邑之文獻與從來邑志之
良貴思精體要文瞻旨潔
昔人稱康對山之武功韓
五泉之朝邑呂涇野之高
陵趙浚谷之平梁而此地
則皆秦地人則皆秦人他

巡

守

夾

車

之

獻

且

以

傳

之

藝

林

前

他

日

既

可

為

贍

而

潔

秦

人

不

必

擅

美

於

省

罕

有

匹

者

是

志

精

而

要

得

觀

厥

成

序

其

緣

起

以

告

焉

治

藉

公

指

南

間

相

叅

酌

來

者

乾

隆

辛

巳

暢

月

賜進士出身

勅授文林郎知元和縣事雲夢
許治撰并書

原序

張若熾

元和分邑自

世宗憲皇帝御極之二年始時蒞斯任者爲晉江江公
政通人浹邑乃稱治因思大邑始分宜作志以
垂考核乃造請邑之鉅公碩士哀集舊聞詮次
簡編越一歲書成未及鐫版而公移任嘉定迄
今十餘年矣若熾來官此土識淺才拙以弗克
勝任是懼賴

天子聖聖相承深仁厚澤漸涵浸潤邑雖勞煩得以

無事而

國家方修一統志書宜薈萃郡邑志進諸

闕廷念元和自輯志以後此十餘年中自疆域分野城池土田山阜水澤無容更易外其他如賦稅之遞減學校之振興職官之臨蒞科第之日增風俗之漸還淳樸人材之爭自濯磨與夫孝子節婦之飭紀敦倫維持世教蒸蒸然進而日上蒐而羅之以廣采擇固有民社者責也爰訪舊時分纂之士俾復修輯訂訛核實微顯閭幽

不謬是非不傷繁瑣邑志之中有史筆焉不止
徒誇輿博以爭勝於文辭而已夫邑之有志所
以備一邑之掌故也而實爲居官者觸目警心
之助覽建置疆隅念東南澤國或未盡經理也
覽職員師儒念設官分職或未盡教養也覽選
舉科目念人才輻輳何以爬羅剔抉連茹彙征
也覽水利兵防念疏濬訓練何以順性利導有
備無患也而且覽田賦徭役念

天子減租賜復牧民者益當寓撫字於催科也覽民

風土俗念

盛世鼓舞作興長民者急當以勸相爲轉移也他如覽人物之林立節孝之敦行祠祀之報賽以及第宅冢域之久而彌芳文章道藝之典而可久則所以表章幽隱褒獎勸勵精誠感格流連憑弔討論絃誦者無不備焉後之視今猶今之視昔一己之儆惕卽垂爲後人之鑑衡可也而且邑志之成幸當

聖人繼承之世與海內休養生息於無窮則夫宜

上德意以昭示天下者不在於茲也耶至於網羅未
備及向所傳疑而不敢穿鑿附會以實之者姑
從闕如以俟後博洽之君子

原序

江之煒

世宗憲皇帝御極之二年減浮糧省徭役勸農桑興學
校海宇之內生息理極又允督臣分大縣之請
於蘇松常三府凡地廣賦重者分之而長洲所
分厥名元和

錫嘉名也時

之煒

承乏斯邑幸值

聖化洋溢仁育義正之時雖拙於理民不致隕越以
卽罪戾因思宜

上德意備載土風使後世有所遵守者惟邑志爲宜

按長洲舊志前明神宗時邑令江

諱

盈科修之

入

本朝邑令祝

諱

聖培又修之江志長於典藻祝志

詳於徵考各有所長互見得失歲月既久理宜
增修又適當分邑之初不可無志以資考鑑爰
敦請鄉先生之負夙望暨士林之多聞者設局
纂修毋徇私毋瞻顧歲序一周其書乃成

之煒

得從諸公後稍加潤色告蒞事焉披覽是書地
分其半事核於前訛者正之幽者章之自分野

設建山川之明秀城隍之峻深學校之增修戶
口之殷殖賦役之由簡而繁由繁而減與夫農
田水利禮樂兵刑文章政治之炳耀於簡編忠
孝節烈之光輝於日月凡可法可傳者畧備焉
斯文獻之攸寓而古今考鏡之一資也方欲登
諸棗梨永爲守是土者徵信因之煒移治膠邑
未竟厥緒相距十年桐城張公諱若熾來令茲
土又適當

朝家纂修一統志時因復開館續修載前志所未

及立體設例槩從原本而缺者補繁者簡事增
文省粲然成帙竊喜向所成者之不煩更張而
二人同志爲能其底於成也夫今日之元和卽
昔日長洲之半而唐萬歲通天以前之吳縣也
漢第五倫傳稱其俗多淫祀續圖經稱其尚文
尚佛舊志亦謂其有恒產好奢侈今民之生其
間者熙熙然有日臻於上之勢人謂其風俗變
遷使然而抑知

聖祖漸涵於前

世宗繼承於中

皇上休養於後其潛驅默率者固如是之深且久哉
蓋覘一邑可以知一郡覘一郡可以知天下則
邑志之成亦外史氏之所掌

聖朝之德化於以見焉統志之修未必不有取於斯
志也

元和縣志目錄

卷首

圖考

卷一

建置

沿革附

卷二

疆域

分野附

卷三

城池

卷四

官署

卷五

學宮

卷六

壇祠

卷七

倉庾

卷八

職官

卷九

兵防

卷十

風俗

卷十一

土田

卷十二

賦稅

卷十三

徭役

卷十四

水利

卷十五

山阜

卷十六

物產

卷十七

第宅 坊表附

卷十八

園亭

卷十九

塚墓

卷二十

科目

卷二十一

宦績

卷二十二

人物

卷二十三

人物

卷二十四

人物

卷二十五

人物

卷二十六

流寓

卷二十七

孝義

卷二十八

烈女

卷二十九

二氏

卷三十

寺觀

附義局
義莊

卷三十一

御製

卷三十二

藝文

卷三十三

藝文

卷三十四

藝文

卷三十五

藝文

卷三十六

藝文

元和縣志目錄

元和縣志

目錄

初修姓氏

纂修

知太倉州事前元和縣知縣

江之焯

元和縣知縣

張若熾

總裁

吏部考功司員外

施何牧

翰林院庶吉士

吳瞻淇

翰林院編修

楊繩武

翰林院修撰

徐陶璋

翰林院庶吉士 宋 照

分纂

元和縣學廩生 顧紹敏

元和縣學廩生 朱奕恂

吳縣學歲貢生 楊繼光

長洲縣學廩生 沈德潛

歙縣副榜貢生 吳中衡

長洲縣學生員 嚴渠成

重修姓氏

纂修

元和縣知縣許治

協修

元和縣學訓導程元基

總裁

禮部尚書在籍食俸沈德潛

編輯

長洲縣監生顧詒祿

分校

元和縣廩生 吳智

元和縣廩生 顧宗泰

元和縣廩生 於寧

長洲縣廩生 汪美基

元和縣志圖

城圖

學宮圖

田圩圖

水利圖

縣署圖

元和縣志

卷一圖

城圖

洋城河


官渡橋
東通瓦
山王墓


安民橋

東南通吳江


富天黃

河港城外







元長學宮圖



新宮




元和縣田圩圖






元長合境水利全圖




興化縣界



元和縣署圖





監生朱寶
應捐列

原缺

爲請分大縣以收實效事竊照江南賦稅甲於天下蘇松所屬大縣額徵地丁漕項雜稅銀兩多者至四十餘萬是一縣糧額與四川貴州一省之額數相等況州縣錢糧納戶零星款項繁雜民情巧詐百端詭隱徵比倍難加以人情好訟盜賊竊刦刑名又極紛繁縣令徵比錢糧辦理欽部案件日夜匆匆不得休息力旣疲憊才難兼顧安有餘力除弊故蒞任未幾動多罣誤陞遷者少獲罪者多非盡其才不逮寔亦力不

能周也夫人之材力不甚相懸豈他省之吏幹
濟獨優而蘇松之官材能偏拙良以事務殷繁
則才短於肆應而稅賦難清則政拙於催科官
旣不能久任吏遂夤緣舞法蝕課蠹民奸弊百
出亦事勢之必然也臣聞琵琶不調取而更張
流之不潔在澄其源犬縣難理莫若分而爲二
則銀少易徵上有益於

國課事簡易從下有裨於民生此亦因地制宜補
偏救弊之一術也查蘇州府屬之長洲吳江常

熟崑山嘉定五縣太倉一州松江府屬之華亭
婁縣青浦上海四縣常州府屬之武進無錫宜
興三縣額徵銀米多者至四十餘萬少亦不下
二三十萬以此十三州縣各分爲兩其錢穀刑
名尚與大省之中府相等經理亦非易易然較
之未分之前僅爲得半中材或可奏效矣至大
縣旣分官役俸工倉庫城池亟應籌畫臣查蘇
州府有同知三員通判一員松江府有同知二
員通判二員常州府有同知一員通判三員三

府共同知六員通判六員其名雖有捕盜管糧
海防水利之不同而其實事堪兼理原屬冗員
今每府止留同知一員通判一員以捕盜者兼
司海防以管糧者兼司水利其餘同知三缺通
判三缺儘可裁汰請將三府現任同知通判揀
選才堪牧民之同知三員通判三員以攝新分
之縣仍照原銜陞轉將來遇有事故缺出仍聽
部選知縣治理再長洲吳江崑山華亭婁縣青
浦上海此七縣皆有縣丞二員夫縣有一丞佐

理足矣何必有二此七缺亦應裁去再此外之首領佐雜現遵

諭旨議裁具奏今新分之縣只添設知縣一員典史一員將以上所裁之官役俸工儘足以供新縣之用俸不須增役無多添而足用至城池則臣於上年查海之時親歷邊海地方見武職駐劄之處多有城垣新設沿海之縣令其與武職同城如常熟所分之縣應駐福山嘉定所分之縣應駐吳淞上海所分之縣應駐川沙華亭所分

之縣應駐青村婁縣所分之縣應駐金山衛皆
現有城垣無庸興築再蘇松二府附郭俱有兩
縣常州府城內獨止武進一縣令將武進所分
之縣卽駐府城與武進分理比照蘇屬之長吳
松屬之華婁正復相等常州通判三員原有衙
署在府卽改作新分縣署不特城不必建而衙
署已備倉庫亦易爲力此外長洲等七縣卽各
擇該縣境內地方緊要人民殷庶之市鎮居住
查江南屬縣亦有未經建城之處此新分之七

縣應否卽行建城統聽部議遵行至倉庫衙署
如有公所卽行脩整居住如無公所酌量建造
均請動支正項錢糧應用臣遴委諳練道府大
員料估督造其分縣疆域自某某處至某某處
歸舊縣管轄自某某至某某處歸新縣管轄以
及田畝若干錢糧若干內地州縣應居何處市
鎮之處并一切應行事宜統候

俞旨允行之日分晰條議具題再太倉一州現在請
改直隸倘蒙

恩准卽將該州所分之縣并崇明嘉定及嘉定所分之縣均歸該州管轄所有新分之十三縣聽部頒縣名以垂永久微臣芻蕘管見未必有當仰請

聖主睿鑒緣係分縣事理貼黃難盡伏乞

皇上全覽勅部議覆施行

七月初八日奉

旨九卿會議具奏初九日抄出到部戶部等衙門會議得兩江總督查弼納奏稱江南賦稅甲於天

下蘇松所屬大縣額徵地丁漕項雜稅銀米多者至四十餘萬納戶零星款項繁雜徵比倍難加以盜案刑名又極紛煩查蘇州府屬之長洲吳江常熟崑山嘉定五縣太倉一州松江府屬之華亭婁縣青浦上海四縣常州府屬之武進無錫宜興三縣額徵銀米多者至四十餘萬少亦不下二三十萬以此十三州縣各分爲兩等語查江南爲財賦重地而蘇松常三府之州縣尤爲繁劇一州縣之錢糧多者至四十餘萬少

者不下二三十萬兼之民情巧詐訟獄繁多爲
牧令者卽有肆應之才亦難治理今該督請將
蘇州府屬之長洲吳江常熟崑山嘉定五縣太
倉一州松江府屬之華亭婁縣青浦上海四縣
常州府屬之武進無錫宜興三縣凡十三州縣
各分爲兩夫以難理之地責之一人雖長材不
能兼顧分而爲二但勤職卽可奏功此誠因地
制宜之良法也應如該督所請將長洲等十三
州縣各分立一縣又疏稱將蘇松常三府所有

同知六員通判六員各裁去三員每府止留同知一員通判一員以捕盜者兼司海防以管糧者兼司水利將三府現任同知通判內揀選六員以攝新分之縣仍照原銜陞轉將來遇有事故缺出仍聽部選知縣治理其長洲吳江崑山華亭婁縣青浦上海七縣皆有縣丞二員亦應各裁其一新分之縣只設知縣一員典史一員將以上各項所裁之官役俸工供新縣之用等語查蘇松常三府同知通判十二員其職掌原

可兼顧而長洲等七縣各多一縣丞尤可裁省其所分十三縣止設知縣十三員典史十三員已足辦理縣務又以所裁同知三員通判三員縣丞七員之官役俸工銀兩移爲新設二十六員之俸工既無增於經費復裁併其冗員亦應如該督所請將蘇松常三府同知通判各裁去其三員長洲等七縣縣丞各裁去其一員其新分之縣各設知縣一員典史一員又疏稱邊海地方武職駐劄之地多有城垣新設沿海之縣

令其與武職同城如常熟所分之縣應駐福山
嘉定所分之縣應駐吳淞上海所分之縣應駐
川沙華亭所分之縣應駐青村婁縣所分之縣
應駐金山衛皆現有城垣無庸興築武進所分
之縣卽駐常州府城與武進分理其所裁同知
通判之衙署卽作新分縣署此外長洲等七縣
各擇該縣境內地方緊要之市鎮居住江南屬
縣亦有未建城之處此應否卽行建城統聽部
議等語查江南州縣或有未建城之處然係地

僻糧少訟簡刑清之州縣故雖無城郭之固亦可保無虞今長洲等七縣以錢糧重大故分爲兩縣所分之縣錢穀刑名與大省之中府相等倉庫牢獄關係重大是必不可不建立城池者也然建立工費浩繁且江蘇之大市大鎮雖人煙湊集而其中多溪河水港且田疇阡陌錯雜其間若於此建立城垣形局不能方整又不無侵佔田畝臣等愚見竊謂長洲等所分七縣其設立官吏宜照附郭兩縣之例與舊縣同城而

治其太倉州分出之縣卽爲太倉州之附郭則
旣無建立之費又有城垣之守而百姓之納糧
完賦者雖分兩邑原在一城與昔無異將來分
進生員之肄業者卽附於舊縣之學宮則學宮
亦可不必另建似爲省便至常熟之福山嘉定
之吳淞上海之川沙華亭之青村雖有城垣係
分汛駐防之地其規模狹小不稱建設大縣又
居民寥寥藉欲所居成邑非數年遷徙不能恐
滋煩擾且沿近海邊兵民雜處亦有未便而華

亭之金山衛自有學宮倉庫雖係衛所實與一縣無異不便又將一縣併入似應將常熟等五縣新分之縣所設官吏亦與舊縣同城而治其武進所分之縣應如該督所請卽駐府城與武進分理則吏治得分縣之利百姓無分縣之煩矣又疏稱分縣疆域自某某至某某處歸舊縣管理自某某至某某處歸新縣管理以及田畝若干錢糧若干一切應行等事宜統候

允行之日分晰酌議具題等語查蘇松常三府

地畝皆分屬區圖而區圖之地犬牙相錯井地畝按域不能清界而錢糧有花戶甲戶一縣田畝多者至三十餘萬頃納糧花甲名姓卽有數百餘萬其分疆劃界推收置甲誠非月日可辦今立法之始必期盡善無遺方可永行無弊應令該督選擇才幹道府大員將此十三州縣田畝疆域錢糧刑獄案卷一一詳查分晰清楚應歸舊縣新縣確然分定繼悉無遺詳造清冊具題一面將倉庫衙署或以公所脩整或作何建

造樹酌妥議再請

皇上特賜新縣嘉名分縣既定該督將揀選才能之
員題請署攝將來缺出仍聽部選至太倉州分
出與嘉定縣分出之縣該督業經題請太倉州
改爲直隸現在戶部議覆恭候

命下之日應如該督所請均歸太倉州管轄可也九
月初一日題本月初四日奉

旨依議

雍正三年六月二十一日江寧巡撫張楷題請

蘇松常三府屬太長等十三州縣恭請

皇上欽定嘉名頒給印信銓選人員部議覆奏八月

初一日奉

旨依議大學士馬齊等擬定新分縣名恭呈

御覽奉

御筆硃批圈出長洲縣新分之縣爲元和縣吏部移

咨禮部鑄結元和縣印

按元和分自長洲長洲分自吳縣則元和亦古
之吳地也自古迄今吳地之分合改更有沿有

革詳著於篇以備叅攷夫吳自唐虞夏商以來
皆在揚州境內泰伯來奔之後始號勾吳然其
城在無錫之梅里至仲雍五世孫周章始封吳
子周敬王之六年周章十六世孫闔閭始城姑
蘇都之元王三年越滅吳吳入於越顯王三十
五年楚威王滅越吳又入於楚楚考烈王元年
以其地封春申君黃歇歇使其子城故吳爲假
君秦并天下置三十六郡以吳爲會稽郡治領
縣三十六始制吳縣二世元年項梁起兵吳中

漢高祖六年立從兄賈爲荊王王淮東三十三
城都吳十一年賈爲英布所殺國除復爲郡十
二年復封兄子濞爲吳王景帝三年濞反被誅
國除復爲郡後漢順帝永建四年分浙江以西
爲吳郡領十三縣三國屬吳晉平天下分天下
爲十九州吳爲揚州建武元年改爲吳國宋永
初二年罷吳國仍爲吳郡梁太清三年改爲州
大寶元年復爲郡陳禎明元年復割爲州隋開
皇九年平陳改爲蘇州蘇州之名所由起也大

業元年復改爲吳州二年又改爲郡唐高宗武
德四年復爲蘇州武后萬歲通天元年割吳縣
之北境置長洲縣時始有長洲之號以吳王長
洲之苑得名也肅宗乾元二年改長洲縣置長
洲軍代宗大歷五年軍廢仍爲縣而蘇州亦以
元宗天寶元年復改爲吳郡肅宗至德二載復
爲蘇州范志作乾元二年代宗大歷十三年以蘇州爲
雄州領縣七而長洲仍屬焉吳長洲嘉興海鹽
常熟崑山華亭共
七縣唐末楊行密與錢鏐互爭其地後梁貞明三

年吳越自稱蘇州爲中吳府後唐同光二年陞
爲中吳軍宋開寶八年仍爲蘇州政和二年以
徽宗嘗鎮於此陞爲平江府元至元十四年改
爲平江路至正十六年張士誠據之稱爲隆平
府十七年復爲平江路明太祖吳元年九月下
平江擒士誠改蘇州府領州一太湖縣七吳長洲
常熟吳江嘉
定崇明

國朝因之雍正二年准兩江督臣查弼納之疏分
蘇松常三府內州縣之錢糧重大地方繁劇者

每縣分而爲二而長洲亦在所分之中奉

旨錫以嘉名曰元和此沿革之大畧也

元和縣志卷之一